

Na osnovu člana 9. stav 4. Uredbe o pripravničkom stažu i stručnim ispitima radnika u organima uprave ("Službeni list SRBiH", broj 4/69), direktor Republičke geodetske uprave donosi

## PRAVILNIK

o programu posebnog dijela stručnog ispita za pripravnike i radnike koji rade na poslovima premjera i katastra zemljišta

### Član 1.

Program posebnog dijela stručnog ispita za pripravnike i radnike sa visokom školskom spremom koji rade na geodetskim poslovima obuhvata:

1. Nižu geodeziju,
2. Višu geodeziju,
3. Katastar zemljišta i agrarne propise,
4. Primijenjenu geodeziju.

### Član 2.

Pripravnici i radnici sa višom školskom spremom koji rade na geodetskim poslovima polažu stručni ispit u svemu po programu iz prethodnog člana, osim iz više geodezije iz koje treba da pokažu samo osnovno poznavanje materije.

### Član 3.

Program posebnog dijela stručnog ispita za pripravnike i radnike sa srednjom školskom spremom koji rade na geodetskim poslovima obuhvata:

1. Nižu geodeziju,
2. Katastar zemljišta i agrarne propise,
3. Primijenjenu geodeziju.

### Član 4.

Program posebnog dijela stručnog ispita za pripravnike i radnike sa srednjom školskom spremom koji rade na poslovima izrade i održavanja katastarskog operata obuhvata:

1. Izradu i održavanje katastarskog operata,
2. Osnovne pojmove iz niže geodezije,
3. Osnovne pojmove iz agrarnih propisa.

Član 5.

Gradivo za polaganje posebnog dijela stručnog ispita, kao i pravni izvori i osnovna literatura, koji se utvrđuju posebno, čine sastavni dio ovog pravilnika.

Član 6.

Ovaj pravilnik stupa na snagu osmog dana od dana objavljivanja u "Službenom listu SRBIH".

Broj: 491-3  
30. aprila 1970. godine

DIREKTOR  
REPUBLIČKE GEODETSKE UPRAVE  
Salih Kabil s.r.

GRADIVO

ZA POLAGANJE POSEBNOG DIJELA STRUČNOG ISPITA ZA PRIpravNIKE I RADNIKE KOJI RADE NA POSLOVIMA PREMJERA I KATASTRA ZEMLJIŠTA

I. ZA ZVANJE GEOMETRA (srednja školska sprema)

Pismeni dio ispita

- računanje koordinata poligonskih i linijskih tačaka sa svim pomoćnim računanjem;
- računanje visina repera tehničkog nivelmana, tačaka detaljnog nivelmana i računanje tahimetrije ili
- izrada prijavnog lista za pojedine vrste promjena na zemljištu.

Usmeni dio ispita

1. Niža geodezija

Mjerenje dužina: pribor i sprave za mjerenje dužina; postupak pri mjerenju i komparisanje pantljičke. Greške pri mjere-

---

Gradivo je sastavni dio Pravilnika o programu posebnog dijela stručnog ispita za pripravnike i radnike koji rade na poslovima premjera i katastra zemljišta ("Sl. list SRBIH, broj 14/70. od 18 5. 1970.g.).